



საქართველოს ენერჯეტიკისა და წყალმომარაგების
გარეგულირებაელი ეროვნული კომისია

გ ა ლ ა წ ყ ვ ე ტ ი ლ ე ბ ა № 31/5

2014 წლის 22 აგვისტო

ქ. თბილისი

ელექტროენერჯის (სიმძლავრის) გადაცემის მომსახურების შესახებ პირდაპირი ხელშეკრულების სტანდარტული პირობების დამტკიცების თაობაზე

საქართველოს ენერჯეტიკისა და წყალმომარაგების მარეგულირებელმა ეროვნულმა კომისიამ 2014 წლის 21-22 აგვისტოს სხდომაზე განიხილა რა კომისიაში წარმოდგენილი მოთხოვნა „ელექტროენერჯის (სიმძლავრის) გადაცემის მომსახურების შესახებ პირდაპირი ხელშეკრულების სტანდარტული პირობების“ დამტკიცების თაობაზე, „ელექტროენერჯეტიკისა და ბუნებრივი გაზის შესახებ“ საქართველოს კანონის მე-5 მუხლის მეორე პუნქტისა და 34-ე მუხლის მერვე პუნქტის საფუძველზე

გადაწყვიტა:

1. დამტკიცდეს თანდართული „ელექტროენერჯის (სიმძლავრის) გადაცემის მომსახურების შესახებ პირდაპირი ხელშეკრულების სტანდარტული პირობები“.
2. გადაწყვეტილება ძალაშია კომისიის სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, № 6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს (ნ. ლაშხია), დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე (www.gnerc.org).
5. კონტროლი გადაწყვეტილების შესრულებაზე დაევალოს კომისიის ელექტროენერჯეტიკის დეპარტამენტს (ნ. ბერიძე).

თავმჯდომარე

კომისიის წევრი

კომისიის წევრი

ი. მილორავა

მ. ნადირაძე

გ. შონია



ელექტროენერჯის (სიმძლავრის) გადაცემის მომსახურების შესახებ

პირდაპირი ხელშეკრულების სტანდარტული პირობები

ქ. თბილისი

“—“————— 2014 წ.

პრეამბულა

ელექტროენერჯის (სიმძლავრის) გადაცემის მომსახურების შესახებ პირდაპირი ხელშეკრულების სტანდარტული პირობები (შემდგომში „სტანდარტული პირობები“) შემუშავებულია საქართველოს სამოქალაქო კოდექსის, „ელექტროენერჯეტიკისა და ბუნებრივი გაზის შესახებ“ საქართველოს კანონის 34-ე მუხლისა და საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ 28-ე და 29-ე მუხლების მოთხოვნათა შესაბამისად.

მუხლი 1. ზოგადი პირობები

1.1. წინამდებარე სტანდარტული პირობები წარმოადგენს წინასწარ ჩამოყალიბებულ, მრავალჯერადი გამოყენებისათვის გამოიზნულ სახელშეკრულებო პირობებს (ტიპიურ სახელშეკრულებო ფორმულარს), რომელსაც ერთი მხარე:

ა) სს „საქართველოს სახელმწიფო ელექტროსისტემა“ (საიდენტიფიკაციო კოდი №204995176);
ან/და

ბ) სააქციო საზოგადოება გაერთიანებული ენერჯეტიკული სისტემა „საქრუსენერგო“ (საიდენტიფიკაციო კოდი №211324468);
ან/და

გ) შპს „ენერგოტრანსი“ (საიდენტიფიკაციო კოდი №204951786),

შემდგომში ერთად ან/და ცალ-ცალკე მოხსენიებულნი როგორც „გადაცემის ლიცენზიატი“,

უდგენს ყველა იმ შესაბამის კვალიფიციურ საწარმოს (განაწილების ლიცენზიატს, პირდაპირ მომხმარებელს, ელექტროენერჯის მწარმოებელს (ელექტროსადგური საკუთარი მოხმარების ნაწილში)) (შემდგომში „მიმღები“), რომელიც „ელექტროენერჯეტიკისა და ბუნებრივი გაზის შესახებ“ საქართველოს კანონისა და „ელექტროენერჯის (სიმძლავრის) ბაზრის წესების“ შესაბამისად:

ა) მონაწილეობს ელექტროენერჯით საბითუმო ვაჭრობაში ქვეყნის შიგნით;

ბ) სარგებლობს შესყიდული ელექტროენერჯის გადაცემის მომსახურებით;

გ) არ გააჩნია გადაცემის შესაბამისი პირდაპირი ხელშეკრულება.

1.2. სტანდარტული პირობები არ გამოიყენება ელექტროენერჯის ექსპორტის ან/და ტრანზიტის უზრუნველყოფისთვის გადაცემის მომსახურების გაწევისას. ელექტროენერჯის ექსპორტის ან/და ტრანზიტის დროს გადაცემის მომსახურების გაწევა ხორციელდება მხოლოდ მხარესთან გაფორმებული შესაბამისი ხელშეკრულების საფუძველზე, რომლის პირობებიც დგინდება „გადაცემის ლიცენზიატსა“ და შესაბამის მხარეს შორის ურთიერთშეთანხმებით.

1.3. სტანდარტულ პირობებთან კვალიფიციური საწარმოს მიერთება ხორციელდება წინამდებარე სტანდარტული პირობების მე-4 მუხლის შესაბამისად.

1.4. საკითხები, რომლებიც არ არის მოწესრიგებული სტანდარტული პირობებით, რეგულირდება მოქმედი კანონმდებლობის შესაბამისად.

მუხლი 2. ტერმინთა განმარტებები

2.1. სტანდარტულ პირობებში ძირითადი ტერმინები და ცნებები გამოყენებულია შემდეგი მნიშვნელობით:

ა) **სტანდარტული პირობები** – წინამდებარე სტანდარტული პირობები ელექტროენერჯის (სიმძლავრის) გადაცემის მომსახურების შესახებ „გადაცემის ლიცენზიატსა“ და „მიმღებს“ შორის;

ბ) უფლებამოსილი წარმომადგენელი – პირი, რომელიც სტანდარტული პირობების მხარის წერილობითი შეტყობინების საფუძველზე დაინიშნება მის უფლებამოსილ წარმომადგენლად;

გ) თვე – ერთი კალენდარული თვე (პირველი რიცხვის 00:00 საათიდან თვის ბოლო რიცხვის 24:00 საათამდე);

დ) კომისია - საქართველოს ენერგეტიკისა და წყალმომარაგების მარეგულირებელი ეროვნული კომისია;

ე) გადაცემის ლიცენზიატი - საქართველოს კანონმდებლობის შესაბამისად რეგისტრირებული იურიდიული პირი, რომელიც ახორციელებს გადაცემის მომსახურებას გადამცემი ქსელის საშუალებით;

ვ) დისპეტჩერიზაციის ლიცენზიატი - სს „საქართველოს სახელმწიფო ელექტროსისტემა“;

ზ) მიმღები – სტანდარტული პირობების მხარე, ელექტროენერჯის საბითუმო ვაჭრობის მონაწილე კვალიფიციური საწარმო, რომელიც იღებს ელექტროენერჯის გადაცემის მომსახურებას;

თ) მომსახურების ღირებულება – წინამდებარე სტანდარტული პირობებით გათვალისწინებული ელექტროენერჯის (სიმძლავრის) გადაცემის მომსახურებისათვის „მიმღების“ მიერ გადასახდელი თანხა;

ი) საანგარიშსწორებო პერიოდი - ერთი კალენდარული თვე;

კ) პირი – საქართველოს სამოქალაქო კანონმდებლობით განსაზღვრული ფიზიკური ან/და იურიდიული პირი;

ლ) ბაზრის წესები – საქართველოს ენერგეტიკის მინისტრის 2006 წლის 30 აგვისტოს N77 ბრძანებით დამტკიცებული „ელექტროენერჯის (სიმძლავრის) ბაზრის წესები“;

2.2. სტანდარტულ პირობებში გამოყენებულ ძირითად ტერმინებს გააჩნიათ იგივე მნიშვნელობა, რაც გათვალისწინებულია „ელექტროენერგეტიკისა და ბუნებრივი გაზის შესახებ“ საქართველოს კანონით, საქართველოს ენერგეტიკის სამინისტროსა და საქართველოს ენერგეტიკისა და წყალმომარაგების მარეგულირებელი ეროვნული კომისიის მიერ გამოცემული (მიღებული) შესაბამისი კანონქვემდებარე ნორმატიული აქტებით, თუ ამავე სტანდარტული პირობებით სხვა რამ არ არის გათვალისწინებული.

მუხლი 3. სტანდარტული პირობების საგანი

3.1. სტანდარტული პირობების საგანია გადაცემის ლიცენზიატის მიერ მიმღებისათვის ელექტროენერჯის შეუფერხებელი და უწყვეტი გადაცემის მომსახურების გაწევა (გარდა ელექტროენერჯის ტრანზიტთან ან/და ელექტროენერჯის ექსპორტთან დაკავშირებული ხელშეკრულებებისა), წინამდებარე სტანდარტული პირობებით გათვალისწინებული პროცედურებისა და წესის შესაბამისად, ხოლო მიმღები მიიღებს გადაცემის ლიცენზიატის მიერ გაწეულ მომსახურებას და უზრუნველყოფს მისი ღირებულების სრულ და დროულ ანაზღაურებას.

3.2. წინამდებარე სტანდარტული პირობები მოქმედებს იმ შემთხვევაში, თუ მიმღებთან არ არის გაფორმებული ბაზრის წესების მე-2 მუხლის მე-2 პუნქტის „დ“ ქვეპუნქტით გათვალისწინებული პირდაპირი ხელშეკრულება, გარდა იმ შემთხვევისა, როდესაც ასეთი პირდაპირი ხელშეკრულების არარსებობა გამოწვეულია თავად მიმღების მიერ ხელშეკრულების პირობების ან კანონმდებლობის დარღვევით. პირდაპირი ხელშეკრულების სტანდარტული პირობები არ გამოიყენება ელექტროენერჯის ექსპორტთან ან/და ტრანზიტთან დაკავშირებული გადაცემის მომსახურებაზე.

მუხლი 4. სტანდარტულ პირობებთან მიერთება

4.1. პირი სტანდარტული პირობების მხარედ ჩაითვლება იმ შემთხვევაში, თუ:

ა) წარმოადგენს საქართველოს კანონმდებლობით გათვალისწინებულ კვალიფიციურ საწარმოს, რომელიც დადგენილი წესის შესაბამისად მონაწილეობს ელექტროენერჯის (სიმძლავრის) საბითუმო ვაჭრობაში, ელექტროენერჯის ექსპორტის ან/და ტრანზიტის განხორციელების გარდა.

ბ) არ გააჩნია ბაზრის წესების მე-2 მუხლის მე-2 პუნქტის „დ“ ქვეპუნქტით გათვალისწინებული ხელშეკრულება შესაბამის გადაცემის ლიცენზიატთან, ბაზრის წესების 29-ე მუხლის მე-3 პუნქტით გათვალისწინებულ შემთხვევებში.

4.2. იმ შემთხვევაში, თუ პირი წარმოადგენს მოქმედი კანონმდებლობით გათვალისწინებულ კვალიფიციურ საწარმოს და არ გააჩნია ბაზრის წესების მე-2 მუხლის მე-2 პუნქტის „დ“ ქვეპუნქტით გათვალისწინებული ხელშეკრულება, მაგრამ მოცემული ხელშეკრულების არარსებობა ან/და გაუქმება გამოწვეულია მოცემული პირის მიერ ხელშეკრულების პირობების ან კანონმდებლობის დარღვევით, იგი

ვერ მიუერთდება სტანდარტულ პირობებს და ასეთი პირი არ შეიძლება ჩაითვალოს სტანდარტული პირობების მხარედ.

4.3. სტანდარტულ პირობებთან მიერთებისთანავე კვალიფიციური საწარმო ხდება სტანდარტული პირობებით გათვალისწინებული უფლება-მოვალეობების სუბიექტი და პასუხისმგებელია დადგენილი მოთხოვნების ჯეროვან და დროულ შესრულებაზე.

მუხლი 5. მხარეთა ვალდებულებები

5.1. მიმღები ვალდებულია:

ა) სრულ წესრიგში იქონიოს თავისი ელექტროდანადგარები, რათა უზრუნველყოფილი იყოს გადაცემის ლიცენზიატის მიერ გაწეული ელექტროენერჯის გადაცემის მომსახურების მიღება;

ბ) უზრუნველყოს თავისი ელექტროენერგეტიკული მეურნეობის მდგომარეობისა და ტექნიკური აღჭურვილობის შესაბამისობა ასეთი კატეგორიის მომხმარებლებისათვის გათვალისწინებულ სტანდარტებთან და ტექნიკურ პირობებთან, მათ შორის ავტონომიური ელექტროკვების, ავარიული გათიშვის, ძაბვის ცვალებადობაზე ავტომატური რეაგირების შესაძლებლობების თვალსაზრისით;

გ) შეასრულოს დისპეტჩერიზაციის ლიცენზიატის მითითებები და განკარგულებები, გარდა იმ შემთხვევებისა, რომლებმაც შეიძლება გამოიწვიოს უბედური შემთხვევა ან მოწყობილობების დაზიანება;

დ) უზრუნველყოს გადაცემის ლიცენზიატის მიერ გაწეული გადაცემის მომსახურების ღირებულების დროული და სრული ანაზღაურება 7.9 პუნქტში აღნიშნულ ვადაში;

ე) წარუდგინოს გადაცემის ლიცენზიატს მხარეთა შორის შეთანხმებული, საქართველოში მოქმედი კომერციული ბანკის მიერ გაცემული საბანკო გარანტია, წინამდებარე სტანდარტული პირობების მე-8 მუხლით გათვალისწინებული წესითა და ვადებში, სტანდარტული პირობებით გათვალისწინებული მომსახურების ღირებულების სრული ანაზღაურების მიზნით;

ვ) გადამცემი ქსელით სარგებლობის პროცესში წარმოშობილი ყველა პრობლემა მოაგვაროს გადაცემის ლიცენზიატის ინტერესების შეუღალახავად;

ზ) იქონიოს ელექტროენერჯის აღრიცხვის მოწყობილობები ბაზრის წესებითა და სხვა მარეგულირებელი ნორმატიული აქტებით დადგენილ მოთხოვნებთან და სტანდარტებთან შესაბამისობაში;

თ) საკუთარი ხარჯით უზრუნველყოს საქართველოს კანონმდებლობის გათვალისწინებით, წინამდებარე სტანდარტული პირობების შესრულებისთვის საჭირო, საბითუმო ვაჭრობაში მონაწილედ რეგისტრაცია (აგრეთვე აუცილებლობის შემთხვევაში შესაბამისი ლიცენზიის მიღება);

ი) ამ მუხლის „თ“ ქვეპუნქტით გათვალისწინებული საბითუმო ვაჭრობის რეგისტრაციის, ან/და ლიცენზიის გაუქმების, მოქმედების შეჩერების, ძალადაკარგულად, ბათილად ან/და ვადაგადაცილებულად ცნობის შემთხვევაში, დაუყოვნებლივ, მაგრამ არაუგვიანეს 2 სამუშაო დღისა წერილობით შეატყობინოს ამის შესახებ გადაცემის ლიცენზიატს და შესაბამისად, მოითხოვოს ელექტროენერჯის გადაცემის მომსახურების შეჩერება ან შეწყვეტა.

კ) დაიცვას გადამცემი ქსელთან მიერთების, აგრეთვე რემონტების გეგმის შედგენისა და ავარიული რეჟიმის პირობებში მუშაობის მოთხოვნები ქსელის წესებით დადგენილი წესისა და პროცედურების შესაბამისად.

5.2. გადაცემის ლიცენზიატი ვალდებულია:

ა) უზრუნველყოს მის ბალანსზე არსებული ელექტროგადამცემი ქსელის (ელექტროგადამცემი ხაზების და ქვესადგურების) გამართული მუშაობა, მოქმედი კანონმდებლობისა და ექსპლუატაციის წესების მოთხოვნების შესაბამისად;

ბ) შეასრულოს დისპეტჩერიზაციის ლიცენზიატის მითითებები და განკარგულებები, გარდა იმ შემთხვევებისა, რომლებმაც შეიძლება გამოიწვიოს უბედური შემთხვევა ან მოწყობილობების დაზიანება;

გ) მის ბალანსზე არსებული ელექტროგადამცემი ქსელის (ელექტროგადამცემი ხაზების და ქვესადგურების) ექსპლუატაციის პროცესში წარმოშობილი ყველა პრობლემა მოაგვაროს მიმღების ინტერესების შეუღალახავად.

5.3. გადაცემის ლიცენზიატს/მიმღებს შეუძლია მოითხოვოს აღრიცხვის კვანძ(ებ)ის შემოწმება. შემოწმება ჩატარდება მხარეთა მიერ შეთანხმებულ დროს, მაგრამ არაუგვიანეს მოთხოვნიდან ერთი კალენდარული კვირისა. შემოწმება ტარდება გადაცემის ლიცენზიატისა და მიმღების უფლებამოსილი წარმომადგენლების მიერ.

5.4. შემოწმება ჩატარდება შემოწმებაში მონაწილე სხვა უფლებამოსილი პირ(ებ)ის წარმომადგენლების მიერ და შემოწმების შედეგები აისახება მათ მიერ შედგენილ აქტში, რომელიც

უპირობოდ ითვლება მიმღების მხრიდან სავალდებულოდ აღიარებულად, იმ შემთხვევაში, თუ მიმღების (ან მისი წარმომადგენლების) მხრიდან:

- ა) არ იქნება მიღებული მონაწილეობა ამ პუნქტით გათვალისწინებულ შემოწმებაში;
- ბ) შემოწმების შესახებ წერილობითი მოთხოვნის მიღებიდან 1 კვირაში არ იქნება შეთანხმებული შემოწმების თარიღი და დრო;
- გ) ვერ მოხერხდება უფლებამოსილი წარმომადგენლის გამოყოფა შემოწმებაში მონაწილეობის მისაღებად;
- დ) შემოწმების შედეგად შედგენილი აქტის ხელმოწერაზე წერილობითი დასაბუთების გარეშე გაცხადებული იქნება უარი.

5.5. გადაცემის ლიცენზიატი არ არის პასუხისმგებელი მიმღების მიერ ელექტროენერჯის შექმნაზე, აგრეთვე შექმნის სახელმწიფო გაფორმებაზე (მათ შორის, საბაჟო გაფორმებაზე) და ამგვარ შექმნასთან დაკავშირებული სახელმწიფო გადასახადების, მოსაკრებლების და ბაჟების გადახდაზე.

5.6. გადაცემის ლიცენზიატის პასუხისმგებლობა, გადაცემის მომსახურების თვალსაზრისით, წყდება მიწოდების პუნქტში განთავსებული იმ მომჭერებიდან, რომელზეც მიერთებულია მიმღები, ან სხვა კვალიფიციური საწარმო.

მუხლი 6. ელექტროენერჯის გადაცემის მომსახურების ღირებულება

6.1. სტანდარტული პირობების შესაბამისად მიმღებისათვის გაწეული ელექტროენერჯის გადაცემის მომსახურების ღირებულება განისაზღვრება კომისიის მიერ გადაცემის მომსახურებაზე დადგენილი ტარიფის და გაწეული მომსახურების რაოდენობის შესაბამისად. მიწოდებული ელექტროენერჯის (სიმძლავრის) გადაცემის მომსახურების ღირებულებას მიმღები გადაუხდის გადაცემის ლიცენზიატს კომისიის მიერ (ძაბვის შესაბამისი საფეხურისთვის) დამტკიცებული ტარიფით.

6.2. გადაცემის ლიცენზიატის მიერ გაწეული მომსახურების რაოდენობა განისაზღვრება მიღებისა და მიწოდების პუნქტებში არსებული საანგარიშსწორებო მრიცხველების აქტიური ენერჯის ჩვენებების/მონაცემების შესაბამისად, ბაზრის წესებით დადგენილი პრინციპების გათვალისწინებით, რომლებიც ძაბვის შესაბამისი საფეხურისთვის აისახება სათანადო ელექტროენერჯის მიღება-ჩაბარების აქტებში.

მუხლი 7. ელექტროენერჯის აღრიცხვა და ანგარიშსწორება

7.1. არაუგვიანეს ყოველი საანგარიშსწორებო თვის დამთავრებიდან მომდევნო თვის 5 (ხუთი) სამუშაო დღისა გადაცემის ლიცენზიატი, მიმღები და დისპეტჩერიზაციის ლიცენზიატი არსებული წესის მიხედვით ადგენენ ელექტროენერჯის მოხმარების და გადაცემის მომსახურების მიღება-ჩაბარების აქტებს დადგენილი წესის შესაბამისად, რის შემდეგაც გადაცემის ლიცენზიატი მიმღებს წარუდგენს საგადასახადო ანგარიშ-ფაქტურას;

7.2. ელექტროენერჯის მრიცხველების აქტიური/რეაქტიული ენერჯის ჩვენებების/მონაცემების აღება მიღებისა და მიწოდების პუნქტებში არსებული საანგარიშსწორებო მრიცხველებიდან ხდება სათანადო ოპერატიული მორიგეების მიერ, ყოველდღიურად, მიწოდების და მიღების ყველა სათანადო წერტილებში ერთდროულად - 24:00 საათზე საქართველოს დროით, ზონარგაყრილ და დანომრილ, სპეციალური აღრიცხვის ჟურნალში გატარებით და მოხმარების ოპერატიული მონაცემების დისპეტჩერიზაციის ლიცენზიატისთვის გადაცემით, აგრეთვე დისპეტჩერიზაციის ლიცენზიატის ზედა დონის ელექტრული ენერჯის და სიმძლავრის კონტროლისა და აღრიცხვის ავტომატიზებული სისტემის (შემდგომში: ზედა დონის ესკაა სისტემა) საშუალებით, აღრიცხვის იმ წერტილებისთვის, რომლებიც პირდაპირ ან ირიბად დაკავშირებულნი, ჩართულნი არიან ამ სისტემაში. იმ შემთხვევაში, თუ სხვაობა ფიქსირდება აღრიცხვის ჟურნალებში დაფიქსირებულ მონაცემებსა და დისპეტჩერიზაციის ლიცენზიატის ზედა დონის ესკაა სისტემის მიერ აღრიცხულ მონაცემებს შორის უპირატესობა ენიჭება დისპეტჩერიზაციის ლიცენზიატის ზედა დონის ესკაა სისტემის მონაცემებს. იმ შემთხვევაში, როდესაც ელექტროენერჯის მრიცხველები თავსებადია ზედა დონის ესკაა სისტემის პროგრამულ უზრუნველყოფასთან და მათგან გარკვეული მიზეზით არ გადმოიცემა ელექტროენერჯის აღრიცხვის მონაცემები ზედა დონის ესკაა სისტემაში, გამომუშავებული, მიწოდებული-გადაცემული ან/და მოხმარებული ელექტროენერჯის მიღება-ჩაბარების აქტის (აქტების) შესადგენად საჭირო ელექტროენერჯის აღრიცხვის მონაცემების მიღებისთვის დასაშვებია, კვალიფიციური საწარმო(ები)ს მოთხოვნით ან გადაცემის ლიცენზიატის ინიციატივით ელექტროენერჯის მრიცხველების ადგილზე წაკითხვა და აღნიშნული მონაცემების დადგენილი წესით აღება სპეციალური პორტატული

კომპიუტერის გამოყენებით, სათანადო კვალიფიციური საწარმო(ებ)ის ან/და გადაცემის ლიცენზიატის მონაწილეობით.

7.3. მრიცხველების გაჩერების ან გაუმართაობის შემთხვევაში, სტანდარტული პირობების მხარეები შეხვედებიან ერთმანეთს გადაცემის ლიცენზიატის მიერ გადაცემული ელექტროენერჯის რაოდენობის მაქსიმალურად ზუსტად დადგენისა და შეფასებისათვის იმ პერიოდში, როცა მოწყობილობები გაუმართავი იყო, რაც გაფორმდება სათანადო აქტით. აღურიცხავი ელექტროენერჯის რაოდენობის დადგენის მიზნით უნდა განისაზღვროს გადასაანგარიშებელი პერიოდი.

7.4. გადასაანგარიშებელი პერიოდი განისაზღვრება:

ა) ელექტროენერჯის აღრიცხვაში გაუმართაობის დადგომის მომენტიდან, გაუმართაობის აღმოფხვრის მომენტამდე;

ბ) იმ შემთხვევაში თუ შეუძლებელია ელექტროენერჯის აღრიცხვაში გაუმართაობის დადგომის მომენტის დადგენა, მაშინ ელექტროენერჯის აღრიცხვის კვანძის ბოლო შემოწმებიდან გაუმართაობის აღმოფხვრის მომენტამდე.

7.5. აღურიცხავი ელექტროენერჯის გამოვლენის შემთხვევაში გაანგარიშება შეიძლება განხორციელდეს შემდეგი მეთოდების გამოყენებით:

ა) გაანგარიშება მინაერთის მეორე ბოლოში არსებული ელექტროენერჯის მრიცხველით – იმ შემთხვევაში, თუ მინაერთის მეორე ბოლოში არსებობს ელექტროენერჯის მრიცხველ(ებ)ი, რომელიც აღრიცხავს მხოლოდ ამ მინაერთში გამავალ (მიღებულ) ელექტროენერჯის და მისი სათანადო წესით შემოწმებით (კომისიური წესით) დადასტურდება აღრიცხვიანობის გამართულობა, მისი მაჩვენებლები შესაძლებელია ძირითადი ელექტროენერჯის მრიცხველის აღრიცხვიანობის მოშლის პერიოდისათვის გამოყენებული იქნას ანგარიშსწორებისათვის, მინაერთში დანაკარგების გათვალისწინებით;

ბ) გაანგარიშება გენერატორებისა და საკუთარი მოხმარების საკონტროლო/ტექნიკური მრიცხველებზე აღრიცხული ელექტროენერჯით - იმ შემთხვევაში თუ ელექტროსადგურის მიერ სალტეზე გაშვებული ელექტროენერჯის აღრიცხვაში მონაწილე აღრიცხვის კვანძის (კვანძების) დაზიანების გამო შეუძლებელი ხდება სალტეზე გაშვებული ელექტროენერჯის რაოდენობის დადგენა, აღნიშნული რაოდენობის გათვლა უნდა განხორციელდეს გენერატორებისა და საკუთარი მოხმარების საკონტროლო/ტექნიკური მრიცხველებზე აღრიცხული ელექტროენერჯისა და სასადგურო დანაკარგების გათვალისწინებით;

გ) გაანგარიშება შემასწორებელი კოეფიციენტის გამოყენებით - იმ შემთხვევაში, თუ მრიცხველის ან აღრიცხვის კვანძის დაზიანება გამოწვეულია ძაბვის ან/და დენის სადენების დაზიანებით (მომჭერებზე კონტაქტის მოშლა, სადენის გაწყვეტა, დაწვა ან სხვა), ან წრედის პოლარობის შეცვლის გამო, აღურიცხავი ელექტროენერჯის გაანგარიშებისათვის გამოიყენება შემასწორებელი კოეფიციენტი, რომლის სიდიდეც დამოკიდებულია დაზიანებული წრედის გვარობაზე (დენის ან ძაბვის), დაზიანებული ფაზების გვარობასა (A; B ან C ფაზა) და რაოდენობაზე (1 ფაზა ან 2 ფაზა) და მრიცხველის მიერთების სქემაზე (სამფაზა ორელემენტური-არონის სქემა, ან სამფაზა სამელემენტური);

დ) გაანგარიშება საშუალო სიმძლავრის მეთოდით - ელექტროენერჯის არასწორად აღრიცხვის პერიოდის დადგენის შემდეგ, აღურიცხავი ელექტროენერჯის რაოდენობის გაანგარიშება წარმოებს საშუალო სიმძლავრის მეთოდით, დაზიანებამდე პერიოდის ან აღრიცხვიანობის აღდგენის შემდგომი პერიოდის გათვალისწინებით.

ე) გაანგარიშება მხარეებს შორის ურთიერთშეთანხმებული სხვა მეთოდის ან გადაწყვეტის გამოყენებით.

7.6. იმ შემთხვევაში, თუ არსებობს მხარეთა შორის გაფორმებული ელექტროენერჯის მიღება-ჩაბარების აქტის კორექტირების საფუძველი, მხარეები ვალდებული არიან კორექტირების შესაბამისად შეადგინონ ელექტროენერჯის მიღება-ჩაბარების კორექტირების აქტი. შესაბამისი საანგარიშსწორებო პერიოდისათვის ელექტროენერჯის მიღება-ჩაბარების კორექტირების აქტი წარმოადგენს მხარეთა შორის ანგარიშსწორების, ან მისი კორექტირების საფუძველს.

7.7. მიმღების მიზნით ელექტროენერჯის მიღება-ჩაბარების აქტის გაუფორმებლობის შემთხვევაში, გადაცემის ლიცენზიატს უფლება აქვს წარუდგინოს მიმღებს საგადასახადო ანგარიშფაქტურა საანგარიშო პერიოდში გაწეული მომსახურების ღირებულებაზე, გადაცემის ლიცენზიატის მიერ ცალმხრივად შედგენილი და დამოწმებული სათანადო ელექტროენერჯის მიღება-ჩაბარების აქტის საფუძველზე, ხოლო მიმღები ვალდებულია უზრუნველყოს ანგარიშფაქტურაში მითითებული ღირებულების სრული და დროული ანაზღაურება.

7.8. ყოველი საანგარიშსწორებო პერიოდის დამთავრებიდან და სათანადო მიღება-ჩაბარების აქტის გაფორმებისთანავე, მომდევნო საანგარიშო პერიოდის დაწყებიდან არაუგვიანეს 14 რიცხვისა, გადაცემის ლიცენზიატი მიმღებს ელექტრონულად უზავნის შესაბამის საგადასახადო

ანგარიშფაქტურას გაწეული მომსახურების ღირებულების ასანაზღაურებელ რაოდენობაზე, შემოსავლების სამსახურის ინტერნეტ გვერდის (www.rs.ge) საშუალებით. გადაცემის ლიცენზიატის მიერ მიმღებისათვის ელექტრონულად გაგზავნილი ანგარიშფაქტურის მიღების თარიღად ჩაითვლება ანგარიშფაქტურის ბლანკში დაფიქსირებული გამოწერის თარიღი.

7.9. მიმღები გადაცემის ლიცენზიატისგან შესაბამისი ანგარიშფაქტურის მიღებიდან 10 სამუშაო დღის ვადაში, ანგარიშფაქტურაში მითითებულ საბანკო ანგარიშზე გადარიცხვის გზით, უშუალოდ უნაზღაურებს გადაცემის ლიცენზიატს საანგარიშსწორებო თვის შესატყვისი მომსახურების სრულ ასანაზღაურებელ ღირებულებას (საანგარიშო თვის განმავლობაში წინამდებარე ხელშეკრულების საფუძველზე გაწეული მომსახურების - ელექტროენერჯის გადაცემის მომსახურების სრული ღირებულება).

7.10. ანგარიშსწორების ფორმად მხარეების მიერ მიღებულია პირდაპირი გადახდა. მხარეებს შორის ანგარიშსწორება ხორციელდება უნაღდო ანგარიშსწორების წესით.

7.11. ანგარიშსწორების ვალდებულება შესრულებულად ითვლება გადაცემის ლიცენზიატის საბანკო ანგარიშზე მომსახურების შესაბამისი ღირებულების ჩარიცხვის დღეს.

7.12. მხარეთა მიერ წინამდებარე სტანდარტული პირობებით განსაზღვრული ვალდებულებების სხვა (მესამე) პირი(ები)სათვის გადაცემა დაუშვებელია მეორე მხარის წინასწარი წერილობითი თანხმობის გარეშე. სტანდარტული პირობების საფუძველზე მიმღების მიერ ასანაზღაურებელი თანხა (როგორც ძირითადი თანხა, ასევე დარიცხული საურავი ან ასანაზღაურებელი ზიანი) არ ექვემდებარება საპირისპირო მოთხოვნებში ან/და სხვაგვარად ჩათვლასა თუ გაქვითვას, გადაცემის ლიცენზიატის წინასწარი წერილობითი თანხმობის გარეშე.

მუხლი 8. გადახდის გარანტია

8.1. მიმღების მიერ სტანდარტული პირობების 7.9 პუნქტით გათვალისწინებული ვალდებულების დარღვევისას, გადაცემის ლიცენზიატი უფლებამოსილია წერილობით მოსთხოვოს მიმღებს საბანკო გარანტიის წარმოდგენა, როგორც მოთხოვნის თარიღისათვის არსებულ ასევე მომავალ საანგარიშო პერიოდ(ებ)ში მოსალოდნელ სავარაუდო გადასახდელ თანხაზე. საბანკო გარანტიით უზრუნველყოფილი თანხა არ შეიძლება იყოს 7.9. პუნქტის შესაბამისად გადაუხდელ თანხაზე ნაკლები.

8.2. მიმღების მიერ საბანკო გარანტიის წარმოუდგენლობის და/ან მომსახურების ღირებულების გადაუხდელობის შემთხვევაში, გადაცემის ლიცენზიატი უფლებამოსილია ცალმხრივად შეწყვიტოს მომსახურების გაწევა და მოითხოვოს მიმღებისაგან მიყენებული ზიანის სრულად ანაზღაურება.

მუხლი 9. მხარეთა პასუხისმგებლობა

9.1. გადაცემის ლიცენზიატის მხრიდან წინამდებარე სტანდარტული პირობებით გათვალისწინებული პირობების შეუსრულებლობით ან/და არასათანადოდ შესრულებით მიმღებისათვის მიყენებული ზიანი ექვემდებარება გადაცემის ლიცენზიატის მხრიდან ანაზღაურებას, მხოლოდ იმ ნაწილში, რომელიც უშუალოდ გადაცემის ლიცენზიატის არამართლზომიერი ქმედებით ან/და უმოქმედობით არის გამოწვეული.

9.2. მიმღების მხრიდან მომსახურების ღირებულების გადახდის ვადის გადაცილების, ან არასრულად გადახდის შემთხვევაში, მიმღებს დაეკისრება პირგასამტეხლო გადაუხდელი თანხის 0.06 %-ის ოდენობით ყოველ ვადაგადაცილებულ დღეზე დავალიანების სრულად დაფარვამდე, რომლის დარიცხვაც უნდა დაიწყოს 7.9 პუნქტით განსაზღვრული შესაბამისი ვადის დადგომის მეორე დღიდან. საურავის დარიცხვა შეწყდება იმ დღის მომდევნო დღეს, როდესაც გადაცემის ლიცენზიატის ანგარიშზე ჩარიცხება გადაუხდელი თანხა (თანხის ჩარიცხვის მომდევნო დღეს მიმღებს პირგასამტეხლო არ ერიცხება) პირგასამტეხლოს გადახდა არ ათავისუფლებს მხარეებს სტანდარტული პირობებით დაკისრებული ვალდებულებების შესრულებისაგან, აგრეთვე შესაბამისი გარემოებების არსებობისას, გადახდის გარანტიის წარმოდგენის ვალდებულებისგან. ამ პუნქტის შესაბამისად დარიცხული პირგასამტეხლო მიმღებმა უნდა გადაიხადოს შესაბამისი მოთხოვნის (დოკუმენტის) მიღებიდან 10 (ათი) კალენდარული დღის ვადაში.

9.3. სტანდარტული პირობების 5.2 პუნქტით ნაკისრი ვალდებულების შეუსრულებლობისათვის, აგრეთვე გადაცემის ლიცენზიატის მიზეზით მიმღებისათვის ელექტროენერჯის უწყვეტი მომარაგების შეფერხებით მიწოდებისათვის, ან შეწყვეტისათვის, რაც გადაცემის ლიცენზიატის არამართლზომიერი ქმედებით ან/და უმოქმედობით არის გამოწვეული გადაცემის ლიცენზიატი სტანდარტული პირობების 9.1 პუნქტის შესაბამისად აუნაზღაურებს მიმღებს ამით მიყენებულ ზიანს.

9.4. მიმღების მიერ სტანდარტული პირობების არაერთგზის, ან კანონმდებლობის დარღვევის შემთხვევაში გადაცემის ლიცენზიატი უფლებამოსილია ელექტროენერჯის გადაცემის მომსახურება შეუწყვიტოს დამრღვევს. ასეთ შემთხვევაში, მიმღებისათვის გადაცემის მომსახურების აღდგენა ხორციელდება სტანდარტული პირობების მე-10 მუხლის შესაბამისად.

მუხლი 10. გადაცემის მომსახურების აღდგენის პირობები

10.1. იმ შემთხვევაში, თუ მიმღებს გადაცემის ლიცენზიატის მიერ შეუწყდა გადაცემის მომსახურება, მისი (მომსახურების) აღდგენა და წინამდებარე სტანდარტულ პირობებთან მიერთება დასაშვებია, მიმღების მიერ არსებული დავალიანების (როგორც ძირითადი თანხის, ასევე დარიცხული საურავის და ასანაზღაურებელი ზიანის) სრულად დაფარვის და მომავალ საანგარიშო პერიოდზე საბანკო გარანტიის წარდგენის, ან ყოველთვიური საავანსო ანგარიშსწორების გზით, რომლის (საბანკო გარანტიის წარდგენის, საავანსო გადახდის) ვადაც შეადგენს 3 თვეს. საბანკო გარანტიის ოდენობა უნდა იყოს არანაკლებ მომდევნო 3 (სამი) თვის საანგარიშსწორებო პერიოდში გასაწევი გადაცემის მომსახურების საპროგნოზო რაოდენობის შესაბამისი ღირებულებისა. წარმოდგენილი საბანკო გარანტია უნდა იყოს უპირობო და გამოუთხოვადი, კერძოდ, გარანტიით გათვალისწინებული თანხები გადაცემის ლიცენზიატმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე. მიმღების მიერ სტანდარტული პირობების დარღვევის შემთხვევაში საბანკო გარანტიის/საავანსო ანგარიშსწორების 3 თვიანი ვადის ათვლა განახლებად.

მუხლი 11. ფორს-მაჟორი

11.1. მხარეები თავისუფლდებიან წინამდებარე ხელშეკრულების პირობებით გათვალისწინებული ვალდებულებების ნაწილობრივ ან/და მთლიანად შეუსრულებლობაზე, თუ მხარეების მიერ ვალდებულებების შესრულება შეუძლებელი აღმოჩნდება და შეუსრულებლობა გამოწვეულია წინასწარ გაუთვალისწინებელი და დაუძლეველი ისეთი მოვლენებით (ფორს-მაჟორული მოვლენები), როგორცაა:

- ა) აფეთქება, დივერსია, ბუნტი, სამოქალაქო ომი ან დაუმორჩილებლობა;
- ბ) სტიქიური უბედურება (მიწისძვრა, წყალდიდობა, გრიგალი, ხანძარი და სხვა);
- გ) საომარი მოქმედებები (გამოცხადებული და გამოუცხადებელი), აჯანყება;
- დ) ანძის დაზიანება/წაქცევა სტანდარტული პირობების ამ მუხლის „ა“, „ბ“, „გ“ და „ე“ პუნქტებით გათვალისწინებული ფორს-მაჟორული გარემოებების გამო;
- ე) ზემოთ ჩამოთვლილის მსგავსი და სხვა ხასიათის შემთხვევას, რომელიც არ ექვემდებარება მხარეთა კონტროლს.

11.2. ასეთ შემთხვევებში წინამდებარე სტანდარტული პირობების გათვალისწინებული ვალდებულებების შესრულების ვადები გადაიწევის იმ პერიოდით, რომელის განმავლობაშიც მოქმედებს ფორს-მაჟორული გარემოებები;

11.3. ფორს-მაჟორული გარემოებების დადგომის შემთხვევაში, რაც გამოიწვევს მხარეების მიერ წინამდებარე სტანდარტული პირობებით განსაზღვრული ვალდებულებების შეუსრულებლობას, თითოეულმა მხარემ 10 (ათი) სამუშაო დღის განმავლობაში წერილობით უნდა აცნობოს მეორე მხარეს ფორს-მაჟორული გარემოებების დადგომის (აგრეთვე მისი სავარაუდო ამოწურვის) შესახებ. წინააღმდეგ შემთხვევაში მხარეს ერთმევა ფორს-მაჟორულ გარემოებაზე მითითებით პასუხისმგებლობისაგან გათავისუფლების მოთხოვნის უფლება. ფორს-მაჟორული გარემოების შეწყვეტის შემთხვევაში მხარემ ყველა ღონე უნდა იხმაროს სტანდარტული პირობებით გაწერილი ვალდებულებების შესრულების განახლებისათვის. ფორს-მაჟორული მდგომარეობის პირობებში მხარეებმა ასევე უნდა მიმართონ მათზე დამოკიდებულ ყოველგვარ გონივრულ ღონისძიებას მეორე მხარისათვის ასეთი გარემოების გამო მოსალოდნელი ზიანის მაქსიმალურად შემცირებისათვის;

11.4. თუ ზემოხსენებული ფორს-მაჟორული გარემოებები გრძელდება უწყვეტად 1 (ერთი) კვირის განმავლობაში, წინამდებარე ხელშეკრულების თითოეულ მხარეს ეძლევა უფლება, შეწყვიტოს ხელშეკრულება სათანადო წერილობითი შეტყობინების შემდეგ;

11.5. მხარე, რომელიც აცხადებს ფორს-მაჟორის შესახებ ვალდებულია დაადასტუროს იგი, რაც გულისხმობს საქართველოს სავაჭრო-სამრეწველო პალატის ან სხვა კომპეტენტური ორგანოს მიერ გაცემული, ფორს-მაჟორული მოვლენის დამადასტურებელი ოფიციალური დოკუმენტის წარმოდგენას. წინააღმდეგ შემთხვევაში, არცერთი მოვლენა არ იქნება განხილული ფორს-მაჟორად.

მუხლი 12. ელექტროენერჯის გადაცემის შეზღუდვის ან/და შეწყვეტის პირობები

12.1. მისაწოდებელი ელექტროენერჯის (სიმძლავრის) რაოდენობის შეზღუდვა ან/და შეწყვეტა დასაშვებია ისეთ შემთხვევებში, როგორც არის:

- ა) ფორს-მაჟორული მოვლენები (რომელიც სათანადოდ უნდა იქნეს დადასტურებული სავაჭრო-სამრეწველო პალატის ან სხვა კომპეტენტურ ორგანოს მიერ გაცემული ოფიციალური დოკუმენტით);
- ბ) კომისიის შესაბამისი გადაწყვეტილება;
- გ) სტანდარტული პირობების 7.9 პუნქტით ნაკისრი ვალდებულების შეუსრულებლობა;
- დ) სტანდარტული პირობების მე-8 მუხლით ნაკისრი ვალდებულების შეუსრულებლობა;
- ე) სტანდარტული პირობების 9.2 პუნქტის შესაბამისად დარიცხული პირგასამტეხლოს არასრული გადახდის ან/და გადახდის ვადის დარღვევა;
- ვ) სტანდარტული პირობების ან კანონმდებლობის ისეთი დარღვევა, რომელიც არსებით ზიანს აყენებს გადაცემის ლიცენზიატს, ან ელექტროენერჯეტიკულ სექტორში მოქმედ სხვა სუბიექტს ან ქმნის ასეთი ზიანის მიყენების რეალურ საფრთხეს.

მუხლი 13. მარეგულირებელი კანონმდებლობა და დავების გადაწყვეტის წესი

13.1. წინამდებარე სტანდარტული პირობები რეგულირდება და განიმარტება საქართველოს კანონმდებლობის შესაბამისად. სტანდარტული პირობების რომელიმე დებულებასა და კანონმდებლობის ნორმას შორის რაიმე წინააღმდეგობის, შეუსაბამობის, ან ბუნდოვანების შემთხვევაში მოქმედებს საქართველოს კანონმდებლობის შესაბამისი ნორმა;

13.2. წინამდებარე სტანდარტული პირობებიდან გამომდინარე ნებისმიერი დავა გადაწყდება მხარეებს შორის მოლაპარაკების გზით, ხოლო ასეთის მიუღწევლობის შემთხვევაში დავა განიხილება საქართველოს მოქმედი კანონმდებლობის შესაბამისად.

13.3 ელექტროენერჯის აღრიცხვის და ანგარიშსწორების საკითხებზე წარმოშობილი დავები გადაწყდება ბაზრის წესების შესაბამისად.

მუხლი 14. სტანდარტული პირობების ძალაში შესვლა და მოქმედების ვადა

14.1. სტანდარტული პირობები ძალაში შედის კანონმდებლობით დადგენილი წესით რეგისტრაციიდან, მისი მოქმედება ვრცელდება 2014 წლის 1 სექტემბრიდან წარმოშობილ ურთიერთობებზე და მოქმედებს უვადოდ.

მუხლი 15. დამატებითი პირობები

15.1. თუ სტანდარტული პირობების რომელიმე დებულების ან მისი ნაწილის მხარის მიმართ მისი გამოყენება არ არის კანონიერი ან მისი განხორციელება შეუძლებელია, მაშინ სტანდარტული პირობების ყველა სხვა დებულება, შეძლებისდაგვარად, წაიკითხება როგორც მოქმედი და განხორციელებადი ან იმგვარად, რომ ისინი კვლავაც სრულ ძალაში დარჩნენ, ხოლო უმოქმედო და განუხორციელებელი ნაწილი უნდა გამოეყოს სტანდარტულ პირობებს ისე, რომ რაც შეიძლება სრულად იქნას შენარჩუნებული სტანდარტული პირობების სხვა დებულებების სამართლებრივი ძალა და მათი განხორციელების შესაძლებლობები.

15.2. სტანდარტული პირობებით გათვალისწინებული მოთხოვნები შესასრულებლად სავალდებულოა მხარეებისათვის და მათი შესაბამისი უფლებამონაცვლეთათვის. დაუშვებელია სტანდარტული პირობებით გათვალისწინებული ვალდებულებების გადაცემა სხვა მხარისათვის, მეორე მხარის წინასწარი წერილობითი თანხმობის გარეშე.

15.3. წინამდებარე სტანდარტული პირობები შესრულებულია ქართულ ენაზე.

15.4. წინამდებარე სტანდარტული პირობები სავალდებულოა მხარეებისათვის და მათი შესაბამისი სამართალმემკვიდრეებისა და უფლებამონაცვლეებისათვის.

15.5. წინამდებარე სტანდარტული პირობებში ცვლილების შეტანა ხდება ბაზრის წესების მოთხოვნათა შესაბამისად.